



Republika e Kosovës  
Republika Kosovo - Republic of Kosovo  
Komisioni Qendror i Zgjedhjeve  
Centralna Izborna Komisija  
Central Election Commission



ZYRA PËR REGJISTRIMIN, CERTIFIKIMIN DHE KONTROLLIN FINANCIAR TË SUBJEKTEVE POLITIKE (Zyra) NË KOMISIONIN QENDROR TË ZGJEDHJEVE (KQZ) sipas autorizimeve të dhëna me paragrafin 1 të nenit 21 dhe në përputhje me nënparagrafin 1, paragrafi 6 i nenit 21 i Ligjit për Financimin e Subjekteve Politike (LFSP) me datën 10.07.2024, merr këtë:

**VENDIM**

**Për shqiptimin e gjobave për subjektin politik të regjistruar SOCIALDEMOKRATSKA UNIJA**

- I. Subjektit politik SOCIALDEMOKRATSKA UNIJA, i shqiptohet gjoba në vlerë katër mijë (4,000) euro për shkeljen sipas nënparagrafit 1, paragrafi 6 i nenit 21 të LFSP.
- II. Subjekti politik SOCIALDEMOKRATSKA UNIJA, obligohet që brenda tridhjetë (30) ditësh pas pranimit të këtij vendimi, të paguaj shumën e gjobës së shqiptuar sipas pikës I të këtij vendimi dhe të dorëzojë në Zyrës një kopje të fletëpagesës së gjobës së paguar.
- III. Nëse subjekti politik SOCIALDEMOKRATSKA UNIJA, nuk paguan gjobën brenda tridhjetë (30) ditëve pas pranimit të vendimit të Zyrës, subjektit politik nuk i transferohen mjetet financiare nga Fondi për Mbështetjen e Subjekteve Politike në shumë e gjobës së shqiptar.
- IV. Vendimet e Zyrës për shqiptimin e gjobave hyjnë në fuqi në ditën e nënshkrimit dhe janë përfundimtare dhe të ekzekutueshme.

**Arsyetim**

Subjekti politik SOCIALDEMOKRATSKA UNIJA, është e është subjekt politik i regjistruar në përputhje me legjislacionin në fuqi, nga data 13.01.2020 dhe është subjekti politik i përfaqësuar në Kuvendin e Kosovës, i cili përfiton mjete financiare nga Fondi për Mbështetjen e Subjekteve Politike, në përputhje me nenin 9 të LFSP.

Sipas të gjeturave të prezantuara në raportin përfundimtar të auditimit për shpenzimet e bëra nga për periudhën 01.01.2023-31.12.2023, SOCIALDEMOKRATSKA UNIJA ka realizuar shpenzime në vlerën totale 2,030 (dymijë e tridhjetë) euro në kundërshtim me qëllimin e përdorimit të mjeteve financiare nga Fondi për Mbështetjen e Subjekteve Politike, siç përcaktohet në nenin 8 të Ligjit për Financimin e Subjekteve Politike (LFSP) të cilat janë të prezantuara në vijim. Subjekti politik, ka realizuar pagesën në vlerën 1,850 euro për studimet e nivelit master në Kolegjin ISPE për personin fizik A V në vlerën totale 1,850 euro. Pagesa e parë, është realizuar me datën 15.06.2023

në vlerën 500 euro. Pagesa e dytë, është realizuar me datën 11.07.2023 në vlerën 500 euro. Pagesa e tretë, është realizuar me datën 17.07.2024, në vlerën 500. Pagesa e katërt, është realizuar me datën 24.07.2023 në vlerën 350 euro. Për pagesat e realizuara, ekziston dëshmia e lëshuar nga Kolegji ISPE, fatura me numër 01/5-2023, datë 14.04.2023. Pagesa e studimeve master në vitin 2023, siç u theksua më lartë, është bërë për personin fizik A V i cili ka qenë anëtar i organit më të lartë ekzekutiv të subjektit politik SOCIALDEMOKRATSKA UNIJA, në pozitën e nën kryetarit. Kjo vërtetohet sipas formularit të azhurnimit vjetor të dorëzuar në Zyrë, me datën 01.01.2024 (me numër të protokollit: 10/09/01/2024 dhe formularit të azhurnimit vjetor të dorëzuar në Zyrë, me datën 26.01.2023 (me numër të protokollit: 1470/26.01.2023).

Subjekti politik ka realizuar pagesën e datës 24.01.2023 për shërbime mjekësore në vlerën 180 euro në Olive Medical, që paraqet shpenzimin e radhës të bërë nga subjekti politik në kundërshtim me qëllimin e përdorimit të mjeteve financiare nga Fondi për Mbështetjen e Subjekteve Politike, siç përcaktohet në nenin 8 të LFSP.

Subjekti politik SOCIALDEMOKRATSKA UNIJA, obligohet që pagesën ta kryejë brenda tridhjetë (30) ditëve pas pranimit të vendimit për shqiptimin e gjobës përmes komunikimit zyrtar elektronik. Pagesa e gjobës duhet të dëshmohet përmes dorëzimit të kopjes së fletëpagesës në Zyrë. Në rast të dështimit të pagesës së gjobës brenda afatit të dhënë si në pikën II të këtij vendimi, subjektit politik nuk i transferohen mjetet financiare nga Fondi për Mbështetjen e Subjekteve Politike në shumë e gjobës së shqiptuar.

**Nga sa u tha më lartë, përmes këtij vendimi, Zyra vendosi për shqiptimin e gjobës në vlerë prej katër mijë (4,000) euro, sipas dispozitivit të këtij vendimi.**

Prishtinë, 10.07.2024

Drejtori i Zyrës



Besnik Buzhala



Vendimi i dërgohet:

- Kryetarit të subjektit politik SOCIALDEMOKRATSKA UNIJA
- Përfaqësuesit të autorizuar financiar të subjektit politik SOCIALDEMOKRATSKA UNIJA.

**Këshilla juridike:** Subjekti politik mund të inicojë padi kundër vendimit të Zyrës për shqiptimin e gjobave, pranë gjykatës kompetente të shkallës së parë, brenda afatit prej tridhjetë (30) ditësh, pas njoftimit për vendimin. Inicimi i padisë nuk e ndalon ekzekutimin e këtij vendimi.